

1573

XAPICTHPION

OBFAVSTVM.

FORTVNATVMQVE

ILLVSTRISSIMI ET REVE-

RENDISSIMI PATRIS AC DOMINI

D. LAVRENTII GEMBICKI DEI GRA-

tia Episcopi Cuiavienſis, Regniq; Po-
loniæ Cancellarij &c. &c.

E. Culmenſi ſede, ad Cuiavienſem Aduentum.

QVOD.

Stanislaus Slavvieniſki, Collegij Poſnanien-
ſis, Societatis Ieſu, eloquen-

tia Studioſus, pan-

xit.

Poſnania In Officina Ioannis Wolrabi.

Anno. D. M. DCX.

L. Martini Kallay. Stanislaus Slavvieniſki

IN STEMMA EIVSDEM.



DUm complēs orbē, dum seruas fascia nodum,
 Seruat Gembicij robur, auita domus.
 Sed non Gembicia, sunt hæc tantum omina gentis,
 Stemmata in hoc, patriæ nam simul omen inest.
 Vt teneas orbem, serues vt fascia nodum,
 Et gens vota facit Gembicia, & Patria.

ILLVSTRISSIMO.
ACREVERENDISSIMO IN

CHRISTO PATRI ET DOMINO D.
LAVRENTIO GEMBICKI DEI GRATIA

Episcopo Cuiaviensi Regniq; Polo-
niae Cancellario,

Salutem & Felicitatem.



Nter tot & tanta gratulationū sym-
bola, quæ tibi ad amplius Ecclesiastici,
senatoriūq; muneris fastigiū euecto,
& nunc maxima celebritate illud ade-
unti præstantur Antistes Reuerendis-
sime, venit mihi in mentem subuereri, ne cuipiam
fortè cramben (vt aiunt) recoquere videar, cum
hanc quantulamcunq; operam tui cohonestandi
gratia (in quo vt felicius alij, at non plus, opinor,
quam ego laborarunt) suscipiam. Sed quocunq;
modo eam pendant alij non moror, dummodo tu
Præsul Illustrissime eam vel extremam tuis honori

bus apponas, ad votum mihi omnia fluxisse arbitror. Metra paucula ut vides, quæ mihi ætatis meæ facultas, & exercitatio suppeditavit, tibi offerenda censui, neq; in tanta omnium, ad te sua studia deferre volentiū concertatione, solus nihil agere, animū induxi. Acceptabis, ut spero, id meum de te bene merendi studium, qui suo quamq; rem momento ponderas, acceptabis inquam, si vnde proficiscatur attendas. E Lycaeo prodijt, vbi virtute & litteris percultus animi tui ager, sementem à natura insitam, locupletis pro ut cernimus fœnore, nunc refundit. A cliente tuo, & sanguine tibi iuncto, ut proinde copotissimū nomine, hanc qualem cunq; de tuo adventu, ad Cuiaviensem Episcopatum, lætitiæ significationem, acceptam tibi esse, præferre debeas. Nimirum quantum prolapsa Slaviensiorum, cuius ego pars sum minima, tibi obstricta sit, vel inde potes cognoscere. quod sibi e tuis honoribus, quibus tu in septentrionali plaga, ceu illustre quoddam sydus emicas, plurimum splendoris accessisse summo opere gratulatur. Itaq; quicquid à me ad te ornandum

profectum est, id meæ inprimis ergate obseruan-
tiæ, & grati animi testificationi, velim tribuas. Cæ-
terūtransmissos ad te, vicario munere gratulationis
nouæ plaus⁹ excipe, & qua soles vult⁹ hilaritate, ab-
sentis licet officiosam voluntatem comproba.
Neq; enim mihi te coram adeundi, studiorum me-
orum ratio copiam præbuit, quorum vel exigua ia-
ctura (vt ipse optimè nosti) multum studiosæ iu-
uentuti asferre solet nocumenti. Quod reli-
quum est, adi superis fauentibus, honorem hunc
amplissimum, & iam ad clauum manum porrige.
Ibis dehinc doctrinæ, & virtutis adiutus subsidio,
Antistes optime, in celebritatem nominis, in me-
moriam literarum, in posteritatis exemplum, in
venerationem tui. Ego verò ceteriq; tuæ inco-
lunitati addicti, vota faciemus, vt quem bono au-
spicio, cursum honoris ingressus es, olim superis
propitijs constanter teneas, atq; in matura gloriæ
felicitate, patriæq; utilitate, longau⁹ Hierarcha
Gembicki consenescas.

STANISLAVS SLAWIENSKI.

PROEPTICON

Non sola à lituis quæ surgit laurea digna est
Lambere, vel marmor Parium, aut trans vltima Bactra
Audiri, cunctas lateque sonare per oras,
Est etiam togæ honos rebus preciumq̃, quietis.
Et tibi post cineres restat diuturnius æuum,
Famaque non abolenda rogo, quæque exeat vrna
Et tandem Oceanum superans totum impleat orbem
Gembicj, quid enim gestis præstantius istis.
Sius tuæ repetam primæ incunabula vitæ,
Seu matura daret cum iam se gloria rebus,
Seu postquam partitus onus curasque Senatus
Tecum, suspexit facundi pectoris artes,
Ingenii admirans dotes curasque seniles
Ante annos, solidoque incoctum pectus honesto.
Ipse suas puero Phæbus concesserat artes,
Inseruitque choris, fuditque per ora liquorem
Castalium, faustis iuuenem votisque secutus,
Non tibi ne trepida per Martem fama petenda
Phæbus ait, vita ò longè Mauortia bella
Iurgia non rabiosa fori cum lite ferenda.
Ipse ego te nostris admitto recessibus, inde
Tu meus ardor eris, fontes & amæna vireta
Rite coles, Chorus en te etiam accipit ille Dearum.
Dixerat, At ramum lauri Pimplæa virèntis
(Nam fortè his aderat) de fontibus Hyppocrenes
Vt tinxit, virgâ iuuenis summa attigit ora,

Attulere

Arrisere alia: summo ergo candida Pindo
Serta tulere sua, atque Chelym suspenditeburnam
Melpomene, parilem. Charites plausumque dedere,
Tu medius iam ingens iam plenus Apolline Sacro,
Pectora mulcebas cantu fidibusque canoris,
Audiuere Deæ, numerosque corona probauit
Hæc olim. At grauib; posthæc maturior annis,
Queis mentem imbueras; cauto quæ industria felix
Instrumenta tibi virtutis magna pararat,
Prompsisti, non quas tantum facundia dulcis
Per varias Ciceronis opes tibi struxerat olim
Diuitias pandens, sed queis sapientia cautam
Ditarat mentem, pectusque armauerat ingens,
Eloquio quoties muleentis pectora dulci
Canæ Senatorum pendebat ab ore corona,
Dum pacis placidæ moderator legibus arma
Cedere sæua facis, ruptum & componere sædus,
Nutantesque animo patres non cedere duris,
Contra dum scelus omne iubes, aut lege recidi,
Aut iusto exitio, dum irato grandia verba
Tuta volant, quanquam sedandis fluctibus iræ
Aptior, atque modum studiis imponere patrum,
Tunc animi sese exeruit per mitia verba,
Et decus & culturæ virtus pulcherrima mentis,
Cum flueret dulce eloquium, vt sedatior amnis
Turbatosque animos regeret variūque frementes,
Nunc vltra ripas extra litusque redundans
Volueret ingentes fluctus, queis cedere saxa

Imma

Immanesque sua rupes statione moueri
Cogeret, & late stirpes super arua natare.
Scilicet hoc trabeas, longè partosque triumphos
Anteit, & laurum cogit concedere oliuæ,
Tranquillare animos, cæcum prohibere furorem,
Citra aciem in fædus discordes ducere ciues,
Legibus vt sit honos, æquo reuerentia iuri,
Vt sua quisque colat sine rixa iura quietus,
Nec volitet toto vāsana licentia regno
Efficere, hoc opus est Diuū sic vixerat ætas
Prisca senum, cum ver sine semine flores
Mulceret natos, cum ignotus vomeris vsus
Non terram immanes sulcos perferre iubebat;
Tu quoque sic veterum accumulans decora alta parentum
Illis adscribi numerumque explere mereris
Heroum, quos sancta piis vita intulit aruis.
Sed perge interea & submissis Cymbula velis
Ne tua prospectet portum, tibi quæ mora longa est,
Parua tuis, parua & patribus, patriæque saluti.
En etiam ad maiora vocat fastigia virtus
Insignem meritis, mitram tibi Episcopa tendit
Cuius, clarisque vocant ad culmina votis
Et plebs, & sacer ordo patrum, turmæque potentum.
Digne solum qui Sarmaticum virtutibus ornes,
Et qui Pstrokonio dignus successeris Heros,
Pstrokonio propius quem Astræa admouit ad astra,
Dum curæ exortem melioribus inserit aruis.
Tu quoque non leuiter tanti vestigia patris

Sacra premes, paribusque armis tutabere caulas
Cui auiæ, longèque lupos arcebis ouili
Cui te nunc longo limatum tradit in usu
Culma, caput cælo quæ te duce sustulit olim;
Quæ necdum absteriso sibi reddita tota dolore est.
Nam sæpe in noctem has fudit miseranda querelas
Illa ego par superis, quondam custodia fælix
Quam tanti ducis à sauo defenderat hoste
Culma inter rabiemque canum, morsusque luporum
Deferor, en fortuna meos frustrata labores
Hinc fugit, atque alibi tentoria figere gaudet,
Ille meis iungens noua propugnacula caulis
Securas noctes præbebat, & otia tuta,
Pascua quando gregi deerant viridantia nostro?
Quando siti arentes sensit sine flumine fauces?
Frigoribusque grauem brumam morbisque Nouembres,
Ipse greges vigil ad flumen ducebat inertes,
Ipse pedo reuocans si quo pecora auiæ abirent,
Sed siue inuidiæ hoc opus est, seu præmia virtus
Poscebat maiora nefas perrumpere fata,
Iamque vale. O decus, O rerum spes summa mearum
Gembici, grauiora Deus virtusque parauit.
Perge modò, & fælix summo caput insere cælo,
Tantis te Præsul votis tua Culma secuta est.
Dum Wladislauiam properares lætus ad vibem,
Et nunc gratantum turmas atque agmina cerne
Obuia, quæ totis funduntur læta plateis.
Ipse nouis quiddam insolitum pater æstuat vndis

Vistula dilatatque sinus. teque optime Præsul
Ominibus sequitur faustis, sub iuraque mittit
Se tua, iam tumidis maior iamque auctior undis,
At tu quem meritis clarum ad tætigia virtus.
Et fortuna comes rapit, illos inde tandem,
Te dignos animos & vota probato precantum.

ODE. I.

Non gestienris gaudia pectoris,
Iunctus recondam sanguine Præsul
Gembicio, fas est sonoris
Plectra mouete lyris Camenæ.
Musis amicus fulget honoribus
Nouis, honestat nobilior caput
Tiara, quam matura virtus
Religioque dedit probata.
Sepone questus, nec superos prece
Cui aua tellus assidua super
Pstrokonscij letho fatiga,
Prætulê lume nouo priores
Vultus: reuêcta est prosperior diês,
Benigniori tydera lumine
Micant, secundis ille partos
Auspicijs titulos capelsit.
Sperare faustos iam potes exitus
Custode tanto, non Lemurum cohors
Phlægræa sacrato nocebit
(Huius ad excubias) ouili.

Præsum

Presum reducet prisca fides caput,
Non absque læta fronte, Erebi specu
 Condetur atro dogma prauum,
 Hereseos superum fauore.
Crescet lyæis Pieridum nitor
Antiquus illo sospite, prosperum
 Cembicius traducat ænum
 Pontificum folio decorum.

ODE II.

Q Vem digna summis principibus virum
 Pædia format, non super ardua
 (Virtute cum surgunt) honoris,
 Culmina scandere pertimet cit,
Periculosæ nec tamen alea
Sortis pauentem sollicitat, neque
 Rhamnufidis temone dextro
 Turgidus alta animo volutat.
Sume ampliorem muneræ cælium
Prætul tiaram Sauromatum decus.
 Astræa quam pensat balance
 Pro meritis cape dignitatem.
Non expetitus cui popularium
Honos molesto provenit ambitu,
 Ventura præcelso locatus
 Tramite despiciet pericla.

Vltro sequuntur te noua præmia
Gembici honorum, conspicuas licet
 Circo exedras vnquam potentum
 Haud animus fuit aucupari,
Inter virentes cedrus vt altior
Clarefcit ornos: fic animi tuæ
 Dotes nitescunt, visque raris
 Ingenii cumulata donis.
Mens & supernis, eloquio inclytum
Vix consulari cedere Tullio
 Te lecta miratur Senatus
 Climate Sarmatico corona,
Pennata latè gloria nominis
Tui effereetur Lechiadùm solo
 Ad magna natum te stupebit
 Hesperix dominator oræ.

VATICINIVM POSNANIÆ GEM-
bicum aliquando maximis in Republica Polona
 officiis functurum

I Ntentum studiis cum populi ferax
Te Posna aspiceret, gloria Præsulum
Gembici, subito nesciò de tua
 Quid conceperat indole.
A Etatis teneræ candor, & optima
Virtutis soboles integritas, dabat
Illi spem, titulis Præsuleis virum
 Olim te fore nobilem.

Dum

Dum clavis habile est ingenium artibus,
Musis inuigila, nec studio graui
Antestare aliis te pigeat (loqui
Hæc tibi solitam reor)

Præcellis statuit rector honoribus
Exornare poli te superis parem,
Fælici ut populos imperio regas
Christi præsidis potens.

Quantum Lechiaco proueniet solo,
Quo tu insignis eris munere commodis
Sed præclara prius signa reconditæ
Monstrabis sapientiæ.

Ingens eloquii Romulei decus
Agnoscat grauium curia principum,
Regniq; officiis grandibus eximi
Te signabit idoneum.

Dum Culmense solum percolis impiger,
Dicendi eximius iuris honos pædo
Nexus Præfuleo, sat celebrem plagis
Te reddet Latialibus.

His maiora parat Rex Superum dare
Post certas hyemes, mytra caput sacrum
(Ni vitæ inuideat Parca ferox tuæ)
Longè augustior ambiet

PROTREPTICON.
Culmensis Sedis ad VVladislauensem.

Non vſitatis Præſulem tripudijs
Cuiava tellus excipe,
Nouum tuas ingreditur ædes alire
Fausto, mei caput gregis,
Tutatus agnos hic meos caulis lupos
Ferocientes arcuit.
Pecorallibus deerant nec aruis pascua,
Ouile paſtor rexerat.
Vigili Peditum lunonius cuſtos ita
Non creditum munus ſibi
Cuſtodijt, licet micarint illi lucida
In fronte centum lumina.
Sed nec triumphum ſic præfuit vigil Draco
Horto ſororum penſili.
Gembicio vernabat omnis præſtite
Cultura fertilis ſoli,
Honore celſo nauus Anriſtes fuit,
Celſere ei fauſte omnia.
Superi meo verum abſtulere ſtrenuum
Paſtorem ouili, non tamen
Ciebo bella, nec reſiſtam numini.
Maius meretur præmium
Gembicij virtus, & actis amplior
Accreſcet eius gloria.
Effuſiore profluat cornu boni
Wladſlaviæ exin copia:
Stipabit Entheum horreum meſſes ſacras,
Et nulla terram glareæ

Siccabit

Siccabit arelcens, laboris maximæ
Christi solo crescant opes.
Quin ipse Præulis secundabit DEVS
Aulus, suos ad exitus
Incepta perducerque. Nunc agedum nouum
Faustis talia vocibus
Antistitem Gembicium, vernantibus
Viamque sparge floribus,
Et vota simplex ad poli mittens globos,
Dic Præsul hic diu imperet.

IN STEMMATA ILLV-
strissimi & Reuerendissimi Domini D. Lauren-
tij Gembicki Episcopi Cuiaviensis.

I.

PROTE ipsum Præsul Prælia stemma geret.

Cruce intra soleam, vernans rosa, fascia duplex,
Symbola sunt Præsul muneris ampla tui.
Tartareum contra faciunt crucis arma Draconem,
Fatali Hæreseos cornua calce feris.
Est nota, flos roseus, virtutis fascia duplex,
Illatum Stygio vulnus ab angue ligat.
Stemmata, ne miro hæc nexu fortuna ingavit,
Pars alijs laudum, his, sed tibi rota venit.

II. Tle*

II.

Telum durissimum.

DVX Helena genitus simul ac cruce signa notauit
Marta, (quis credat) vis inimica ruit,
Sanguine Amalechi vidit Iudæa natantem
Campum, implet Moles dum crucis officium.
Fortunata nouo es Wladslauia Præsule, nil iam
Hoc duce te contra Tartarus ipse potest.
Robore obarmatus ferri, victricia præfert
Symbola, crux Erebi territat alma Duces.
Stemmata queis fulget Gembicius, omne pauescat
Flagitium, teter sed magis Hæreticus.

III.

Fortiter aspera calcat.

INcauto scandunt multi pede culmen honoris,
Sed fallente gradu desuper ima petunt.
Lubricum iter cellos ad fascies panditur, atque
Fortunæ aneipiti vertitur axe rota.
Ne dubita solidos Antistes figere passus,
Cruce soleata monet, tutus ut alta petas.
Et crucis, & ferri duplicato robore gaudes,
Præcipitis lapsus nulla pericla time.

IV.

IV.

Vtraque fortuna superior,

Mollia cum duris in te (res mira) iugantur
Præful, naturæ est non id, at artis opus.
Cruce inclusa graui ferro cum flore vireti
Idali, vnus symbola clara notant.
Nempe duplex munus Genibici Præfulis imple,
Dum terras prauos, dum recreasque bonos.
Temperet ô vtinam cæli sic arbiter ausus
Præful amande tuos, ne mihi magnus eris.

V.

IN FASCIAM.

Vsu præstabilior quam natura

Si quis Achæmenio miretur licia fuso
Ducta, vel e Phario lina petita solo.
Materiæ vt dederò partes artique priores;
Sic vsus palmam dat tibi fasciola.
Siue gregis læsi sunt vulnera dira liganda;
Hic primum lini non leue munus erit.
Seu populum in partes coget discedere liuor,
Iunget fœderibus fascia torra nouis.
Seu quisquam caulas hostili Marte laceisset,
Fortia crudelem stringere lina valent.

Vnum stemma togæ satis est, Martisque furori,
Et Cleri, & Circi, sunt tua lina decus.

VI. IN FASCIAM.

Altera alterius laudem cumulat.

Fascia cinge rosam namque huius gloria floris
Et brevis, & curâ sæpe tuendâ gravi,
Fasciolæ decus adde rosa, & natura negavit
Quod lino, hoc floris suppeditabit honos.
Sic tibi perpetui floreant Præsul honores;
Sic honor inuictum robur habere potest.

VII. IN ROSAM.

Domini radiat fulgoribus.

Cernis ut in nitido sese flore efferat ardor
Igneus, æquatis luxuriatque comis?
Vt latè radiat circumque ut lumina fundit?
Vt rosa iactat opes ambitiosa suas.
Quamuis Arctoi stringatur frigore cæli,
Quamuis Riphæas sit propè nata niues.
Crede mihi non hic color est natus ab hortis,
Aut honor, a domino sed venit ille suo.

VIII.

IN ROSAM ET SOLEAM.

Vis contra hostes potens.

MArte togaque potens proauorum stemmata gestas,
 Hoc soleæ arque rosæ symbola clara notant,
 Nempe Astræa sibi ferro deposcit honores,
 Equæ rosâ pietas carpit odoris opes.
 Afflatu moritur floris Scarabæus olentis,
 Ferrea vis hostem frangere quemque valet.
 Næ Scarabæe putri hæreteos qui pascere cæno
 Præfulis aut ferro, aut fuso ab odore, cades.

IX.

PANTOSTEMMATICON

VT passu pietas ear soluto,
 Nodoso est tibi fascia absque nexu
 Præsul, fædifragos Deo, ac rebelles
 Porro stringere colligata suadet.
 Hostes crux soleata veritatis
 Calcandos monet, Ibis, ibis audax
 Gembiei, hæreticos cruce impetum,
 Et tetras scelerum potens phalanges

Pantostemmaticon

Christi praesidio fugabis. Atqui
Sic post busta laboris, expetita
Merces obpeniet, rosa æuiterne
Pacis symbolon hoc docet virescens.

DEDICATORIVM.

Grammata Posnæo quæ Musa Helicone calenti
Numine dictauit, maxime Præsul, habes.
Pollice mora leui Aonidum sunt plectra, sed in te
His, mei amoris erunt symbola clausa, metris.
Accipe, nec tenuis data munera sperne Camenæ,
Parua etiam in magnis dona locare potes.



BIBLIOTHECA
VNIV. MAGELL.
GRACVIENSIS.

